

ASTIGARRAGAKO UDALAREN ETA TXIRRISKLA TXISTULARIEN ELKARTEAREN ARTEKO HITZARMENA, DIRULAGUNTZA IZENDUNA ARAUTZEKO

Astigarragan, 2026ko apirilaren 28an.

PARTE HARTZEN DUTE

Alde batetik, Xabier Urdangarin Lasa, Astigarragako alkatea, Astigarragako Udalaren izenean eta ordezkartzan.

Bestetik, Izaskun Miner Altuna, G20947867 IF zenbakia duen Txirriskla txistulari elkartearen izenean eta ordezkartzan.

Bi aldeek hitzarmen hau egiteko gaitasun osoa eta kasuan kasuko ordezkartza aitortzen diote elkarri eta eragin horretarako ondokoa

ADIERAZI DUTE:

1.- Toki Araubidearen Oinarriak arautzen dituen 7/1985 Legearen 25. artikulua eta/edo Euskadiko Toki Erakundeei buruzko 2/2016 Legearen 17. artikuluari jarraikiz, udalerrien eskumen propioa dela: Kultura eta kultura-jarduerak antolatzea eta sustatzea, eta erabilera publikoko kultura-ekipamenduak kudeatzea.

2.- Txirriskla txistulari elkartearen xedea, besteak beste, honako hau dela: txistularitzaren zaletasuna sustatzea, diana jotzeko tradizioarekin jarraitzea, urtean zehar Astigarragan antolatzen diren ohiko ekitaldietan txistua jotzeko ohiturekin jarraitzea eta herrian eta herrikan kanpoko beste ekitaldi batzuetan ere parte hartzea.

3.- Elkarrekin Astigarragako Udalarik 13.525€-ko dirulaguntza eskatu diola 2025/12/22an (2025-00000006148 *erregistro-zenbakia*) 2026ko txistularien urteko jardunaren gastuei aurre egiteko.

4.- Astigarragako Udalak onartuta duela 2026ko dirulaguntzen plan estrategikoa; eta plan horretan, dirulaguntza izendunaren lerro hau jasotzen dela:

Pertsona hartzaileak: Txirriskla txistulari taldea

Ematearen modalitatea: Izenduna.

Helburuak: Txirriskla elkarteak urtean zehar eskaini eta antolatuko dituen emanaldiak laguntzea.

Laguntza eskaeraren zenbatekoa: 13.200 €

5.- Dirulaguntza hau bideratzeko Udalak 13.200 € ditu udal aurrekontuko kontu-sail honetan: 1 0700.481.01.334.10 2026 (1216)

6.- Dirulaguntzei buruzko 38/2003 Lege Orokorraren 22. eta 28. artikuluekin eta Dirulaguntzen Udal Ordenantzarekin bat etorrira, zuzenean ematen diren dirulaguntzen erabakiak hitzarmen bidez hartu behar direla; eta ezinbestekoa dela araudi horietan xedatutakoa kontuan hartzea.

7.- Hirugarren akordioan jasotako jardueren izaerari zalantzarik gabe erantzuten dioten gastuak baino ez dira diruz lagunduko, betiere hitzarmenean ezarritako epeen barruan egiten badira. Hau da, eskainitako emanaldi bakoitzeko txistulariei dieta ordaintzeaz gain, jantziak, instrumentuak eta elkartearen funtzionamendu gastuak babestuko dira.

8.- Elkarteak desegingo balitz, Udalak emandako dirulaguntzekin erositako jantzi, instrumentu, material edo ekipamendua Udalaren jabetzakoa izango litzateke.

Ondorioz, bi aldeek erabaki dute hitzarmen hau onartzea akordio hauekin:

AKORDIOAK

LEHENA.- Hitzarmenen honen xedea honako hau da: Txirriskla txistulari elkartearen 2026ko jardueretarako dirulaguntza arautzea.

BIGARRENA.- Jarduera horiek bideratzeko Astigarragako Udalak Txirriskla txistulari elkarteari 13.200 € dirulaguntza emango dio.

HIRUGARRENA.- Txirriskla txistulari elkarteak betebeharrak hartzen ditu:

3.1. Ondorengo emanaldiak eskaintzea edo horietan parte hartzea:

- Urte osoko igande eta jaiegunetako diana, abuztuan izan ezik.
- Urtarrilean, sagardo boladari hasiera ematea: Txotx eguna
- Otsailean, Santa Ageda bezpera eta Inauterietako Zirrikoketa desfilea
- Apirilean Iruñako erraldioen konpartsa
- Maiatzean, dantzari txiki eguna, San Isidro eguneko prozesioa eta Iruñako erraldioen konpartsa antolatzea.
- Ekainean, adinekoen omenaldia eta San Joan bezpera.

- Uztailen Martindegiko jaietako diana berezia, Santio jaietako erraldoi eta buruhandien kalejira, ermitako saioa, udalbatzaren soka dantza eta Astigarren dantza erakustaldia.
- Abuztuan San Roke eguneko dantzaldia eta Ergobiako jaietako diana berezia,
- Irailean Iruñeko San Fermin txikito jaiaren parte hartzea eta Sagar uzta jaiko emanaldia.
- Azaroan Memoria eguneko eta Santa Zezilia eguneko saioak

3.2. Dirulaguntzaren udal ordenantzaren 22. artikuluan adierazitakoa betetzea, hala nola: diru ekarpena dirulaguntzaren xederako erabiltzea, dirulaguntza zuritzea, beharrezko baimenak eskatzea, udalaren ikuskaritza onartzea, hizkuntza- eta berdintasun-irizpideak betetzea, aldaketa esanguratsuen berri ematea.

3.3. Elkarrearen ardura izango da ekintza bideratzeko beharrezko giza-baliabideak jartzea; eta nolanahi ere, indarrean dagoen legeria betetzea.

3.4. Dirulaguntza itzultzea, baldin eta dirulaguntza emateko ezarritako baldintzak eta betebeharrak betetzen ez badira, eta, nolanahi ere, indarrean dagoen araudiak xedatutako kasuetan.

3.5. Dirulaguntza beranduenez, 2027ko urtarrilaren 15erako zuritu beharko da udal ordenantzaren 24. artikuluan jasotako agiriak aurkeztuta.

3.6. Diruz lagunduko diren gastuak, udal ordenantzaren 8. artikulua dioenez, jardueraren izaerari inolako zalantzarik gabe erantzuten diotenak izango dira. Ostalaritza eta otordu gastuak zerbitzua edo lana ordaintzeko denean bakarrik onartuko dira, baldin eta gastua emandako zerbitzuarekiko proportzionala bada eta zerbitzua eman duen talde edo konpainia artistikoko kideetara mugatuta badago. Kanpotik bidaiatu behar duten talde ez profesionalen kasuan bakarrik onartuko dira zerbitzuaren fakturaz gain ostalaritza eta dieta gastu gehigarriak.

Txirriskla elkarteak kideei urtean hiru otorduren gastuak onartuko zaie elkarrearen urteko aurrekontuan jasotakoaren arabera.

Bidaia gastuei dagokienez, Udalak gehienez kostuaren %30 finantzatzeko du eta bi urtez behin bakarrik lagunduko ditu.

3.7 Jasotako zenbatekoak itzultzea, dagozkion atzerapen interesekin, Dirulaguntzen Lege Orokorraren 37. artikuluan araututako kasuetan, bai eta Dirulaguntzen Udal Ordenantzan edota hitzarmen honetan jasotako baldintzak ez betetzeagatik.

3.8. Hitzarmen honetan hitzartutako lankidetzak eta betetze mailaren jarraipena egiteko udalak eskatutako bilerak egitea eta informazioa ematea. Udalak horrela eskatuz gero, elkarrearen ezingo dio uko egin.

LAUGARRENA.- Udalaren betebeharrak hauek izango dira:

4.1. Onartutako dirulaguntza ordaintzea, eta Dirulaguntzaren Udal Ordenantzaren 23. artikulua aurreikusitako %70 ko aurrerapena egitea.

4.2. Jarraian adierazten diren udal azpiegitura eta ekipamenduak uztea (*aretoak, espazio publikoak, mahaia, aulkiak...*), baldintza hauetan:

- Erribera kulturguneko S13 gela ohiko entseguak egiteko eta S11 administrazio lanak egiteko. Bi geletarako sarbidea mugagabea izango da. Nolanahi ere, Txirriskla txistularien elkarteak ikasturte hasieran erabiltzeko eskaera aurkeztuko du udaletxeko sarrera erregistroan eta bertan adierazi entsegu egun eta orduak eta giltzaren baimena duten pertsonen izen-abizenak. Hala behar izanda, **udalak erabaki dezake S13 gela libre dagoenean beste norbaiti ere uztea, kasu horretan, Txirriskla elkarteari horren berri emango zaio.**
- Erribera kulturguneko antzokia doan erabiltzea ezohiko entseguetarako eta urtean bi aldiz jendaurreko emanaldiak eskaintzeko. Bigarren kasuan teknikari lanen kostua barne. Antzokiaren erabilera espazioaren erabilgarritasunaren mende egongo da eta aldioro eskaera aurkeztu beharko da udaletxeko erregistroan.
- Udal material eta ekipamendu orokorra txistularien esku jarriko da beren emanaldietarako beharrezkoa bada eta libre baldin badago. Aldioro eskaera aurkeztu beharko da udaletxeko erregistroan.

4.3. Hitzarmen honen baitan burutuko diren jardueren informazioa zabaltzea, ahal dela, hileroko agendan eta bestelako euskarrietan.

4.4. Diru itzulketen espedienteak izapidetzea udal ordenantzaren 26 eta 27. artikuluen arabera.

4.5. Hitzarmen honetan jasotakoak ez betetzea arau-haustetzat jo daitekeenean (*Dirulaguntzaren Udal Ordenantzaren 28. artikuluen arabera*) zehapen espedientea izapidetzea ordenantzaren 28 eta hurrengo artikuluei jarraiki.

BOSGARRENA.- Udalaren dirulaguntza bateragarria izango da beste erakunde publiko edo pribatuek xede bererako eman ditzaketen bestelako dirulaguntzekin. Edozein modutan, ez da gain finantzaketarik egongo, eta hala gertatuko balitz, elkarteak dirua itzuli egin beharko luke.

SEIGARRENA.- Hitzarmen honek izaera administratiboa du eta bere interpretazioan eta garapenean dirulaguntzei aplikagarria zaien administrazioaren ordenamendu juridikoa aplikatuko da.

Interpretazio hori egitea, Astigarragako Udalari dagokio eta horrek hartutako erabakiek amaiera emango diote bide administratiboari eta hartzen diren unetik bertatik bete beharrekoak izango dira.

ZAZPIGARRENA: Hitzarmen honetako alde biek hartzen dituzten betebeharrak edo erantzukizunak, eta elkarrengandik dituzten eskubideak, eta hitzarmen honetan aurreikusten edo jasotzen ez den guztietarako, honako legeria aplikatuko da:

1. Apirilaren 2ko Toki Korporazioetako Oinarri arautzailearen 7/1985 zenbakidun Legea eta apirilaren 18ko erregimen lokaleko arauak biltzen dituen 781/1986 zenbakidun Testu Bateratua, beti ere Kontratu Legean ezarritakoaren aurka ez baldin badoa.
2. Herri Administrazioetako Dirulaguntzak arautzen dituen azaroaren 17ko 38/2003 Legea.
3. Uztailaren 21eko 887/2006 Errege Dekretua, zeinen bitartez dirulaguntza orokorrak arautzen dituen azaroaren 17ko 38/2003 legearena erreglamentua onartzen dena.
4. Dirulaguntzen Udal Ordenantza (*ordenantza eskura dago udalaren webgunean: <https://www.astigarraga.eus/eu/beste-ordenantza-batzuk>*)
5. Honetaz gain, zuzenbide administratiboko arauak eta bere kasuan zuzenbide pribatuko arauak aplikatuko dira.

ZORTZIGARRENA.- Txirriskla elkarteak 3.5 puntuak adierazitak odatan Astigarragako Udalari urteko jardunaren txostena aurkeztuko dio ondoko informazio eta agiriekin batera:

- **Memoriaren fitxa osatuta** (emanaldiak, datak, parte-hartzaileak, balorazioa, argazkiak...),
- **Gastuen zerrenda** (gastu bakoitzaren zergatia edo azalpena, bakoitzari dagokion **faktura edota ordainagiriak** zerrendaren ordena berean) **eta horiek ordaindu izanaren egiaztagirak** (transferentzia agiria...)
- **Diru sarreraren ziurtagiriak**
- **Hizkuntza eta berdintasun fitxak eta ikus-entzunezko eta material grafiko oro** (kartel, esku-orri, bideo...).

BEDERATZIGARRENA: Hitzarmen honetatik sortzen diren auziak administrazioa auzigaietarako jurisdikzioaren menpe geratuko dira.

Horrela jaso dadin eta ados daudela adierazteko hitzarmen hau sinatu dute hasieran adierazitako lekuan eta datan.

Xabier Urdangarin Lasa
Udalaren izenean

Izaskun Miner Altuna
Txirrisklaren izenean



Sinaduren laburpena / Resumen de firmas

Titulua / Título:

2026KHTZ0003-Hitzarmena/- ()

Digitalki sinatua:



Astigarragako Udala

URDANGARIN LASA XABIER
ALKATEA

Data: 2026/05/22 10:47:34